

萬氏醫譜

地部  
上  
下



萬氏醫貫地部卷上

吐瀉

吐瀉二症殊塗同歸議論明快

吐出上焦瀉出下焦脾在中焦管攝乎上下之間吐瀉互作者乃脾胃之病也夫人身之中足陽明胃脈之氣自上至下足太陰脾脈之氣自下而上上下循環陰陽交接謂之順無病也故胃氣逆而上則為嘔吐脾氣逆而下則為泄瀉吐瀉之病脾胃之總可也發揮云胃在上焦主納而不出腸在下焦主出而不納嘔吐則不納矣有經泄瀉出則不納矣觀朱鳳議

傷寒括云。胃寒有熱難留食。胃冷無緣納酒漿。則吐  
之出於上焦也。明矣。又張長沙傷寒論云。下痢服理  
中湯。三十理中者。理中氣也。治泄不治小便。非其治  
也。五苓散主之。二十在下焦。赤石脂禹餘糧湯。二百  
主之。則泄瀉之出於下焦也。明矣。又按治泄瀉痢者  
有四法焉。有用理中湯以理其中氣者。有用五苓散  
以利其小便者。有用真武湯者。以溫其腎者。有用赤  
石脂禹餘糧以固澀其大腸者。不可不知其要也。蓋  
腎開竅於二陰。主蟄藏者也。如門戶然。泄瀉不止。門

戶不禁也。故用附子以溫之。閉其門戶也。腸胃者各  
受水穀之氣。猶倉廩然。脾胃出納。乃倉廩之官也。吐  
瀉不止。乃倉廩不藏。官失司也。故用苓朮以補之。封  
其倉廩也。下焦者水穀注下之路。如溝瀆然。小便不  
利者。溝瀆之不能別也。故用猪苓澤瀉以利之。疏水  
道也。大便不禁。溝瀆之不能瀦也。故用赤石脂禹餘  
糧龍骨以澀之。塞其決也。猪苓 白芍 生薑 各一  
附子 一枚 炮 白朮 二兩 用水八升 煮取三升 溫服七  
合 三日

祖訓治吐瀉。只用胃苓丸。百三吐以煨生姜湯下。泄  
以一粒丹和之。二三百炒米湯下。此家傳十三方也。  
錢氏曰脾主困。謂疲憊也。非嗜卧也。吐瀉久則生風。  
飲食傷則成疴。易至疲憊也。此與腎主虛論。腎者元  
氣之主。腎虛則為稟受不足之病。脾虛則為津液不  
足之病。故小兒五臟之病。脾腎最多。心肝次之。肺又  
次之。

小兒吐瀉多傷乳食得之

如吐瀉不啼哭不喜飲食此傷乳食也。初得之不可

訣二

遽止。宿食未盡去也。宜換乳食。勿令重傷。吐瀉益甚。非醫之咎也。益黃散主之。四十有熱者。胃苓丸。

用東向陳壁土。和乾姜少許炒焦水入煎。澄清下瀉。

不止。以胃苓丸六百三一粒丹和合而服之。二百煎湯

下效。吐瀉時惡風寒喜人懷抱。此傷風吐瀉也。宜

發散。惺惺散主之。四十吐瀉時啼哭。其身俯仰不安

者。此腹中有痛也。此霍亂症也。內傷乳食外感風寒。

得之。先治其裏。宜理中湯三十加藿香。後治其表。宜

桂枝湯。二百表裏通治。宜藿香正氣散。二百

訣四

訣三

傷乳吐瀉  
地部

症驗

一兒週歲吐瀉並作時天大寒醫用理中湯四十胃

苓丸六百三服之不效予曰此表裏有寒邪未得發散

也取益黃丸五十與之夜得大汗而吐瀉止

一女歲半吐瀉並作與予兒同症此傷食也予兒外

有感風邪故用益黃丸五十溫其表裏之寒此只是

傷食用胃苓丸六百三一粒丹三百一陳壁土下調其脾

胃消其食積而吐瀉俱止

一兒暴吐瀉上下所出皆乳不化用理中丸四十服

用藥必先  
認症

之效。一兒暴吐瀉。上下所出皆黃水。少有乳片。用二  
陳湯加黃連炒煎服而愈。或問二病而治之異。何也。  
曰。所出之乳不化者。胃有寒也。故以理中丸溫之。所  
出之乳化者。胃邪熱也。邪熱不殺穀。宜半夏黃連以  
解之。此同病異治法也。

### 嘔吐

嘔吐多因乳食所傷得之。非若大人有寒有熱也。然  
因於寒者亦有之。

嘔噎覘乳

症驗

嘔吐

地部



嘔乳。嗌乳。覘乳。當分三症治之。嘔乳者。初生小兒胃小而飽。易飲不多。囑乳母勿縱與之。勿令其太飽可也。如胃小且急。縱飲之則胃不容。必大嘔而出。嘔有聲而乳多出。如瓶注滿而溢也。嗌乳者。小兒初生肋骨弱。左傾右側。前俛後仰。在人懷抱扶持之也。乳食太飽。兒身不正。必嗌出一二口也。如瓶注水傾而出也。覘乳者。小兒無時乳常滿出口。角唇邊常見。如瓶之滿而滲出也。即哺露也。大凡嘔乳者。節之可也。嗌乳者。正抱其身可也。皆不用治。覘乳者。胃病虛也。宜

訣一  
訣二  
訣三

補之。理中丸。加藿香木瓜主之。四十即以肥兒丸。二

九百為治亦可。

先人治小兒嘔吐。只用胃苓丸。百三十六研碎以生姜煨

熟煎湯下。理中湯。四十治嘔吐。或有不止者。嘔家不

喜甘也。必去甘草。加藿香之辛。木瓜之酸。用之效。傷

冷乳者。所出清冷。面如皃白是也。宜益黃丸。四十煨

姜煎湯服之。傷熱乳者。物出熱。面赤唇燥是也。宜六

一散。煨姜煎湯服之。九十傷乳。食物出酸。酸者是也。

宜胃苓丸。百三十六研碎煨姜煎湯服之。

區益見乳

也部

症驗

本學陶廣文一子生甫八月病吐諸醫治之不止湯  
丸入口即吐醫欲作火治用瀉火藥治之亦不效吐  
益劇即請予議治予曰理中湯師曰此藥服不得入  
也予曰用法不同作理中劑用獾猪胆汁童便各半  
拌之炒焦以水煎服藥得入而立止師又問予曰吐  
本寒當用理中湯熱藥以止之內寒已甚格拒其陽  
故熱藥入喉被寒所拒不得入也今胆汁之苦寒童  
便之鹹寒兩寒相得故不復出須臾之間陰氣漸消

陽氣乃發。此熱藥冷服。溫格拒之寒。以止吐噦者是也。昔宋理宗吐不止。名醫人楊吉老治之。問用藥。曰辛熱藥也。帝曰服之不效。老曰熱藥冷服。藥感置井中良久進服。一啜而吐即止。此法也。師解頤後以六君子作丸服之。六君子即四君子加陳皮半夏是也。

### 症驗

王少峯次子三個月病吐。予往觀。見其兒在乳母懷抱中。以身伸努。上竄。呃呃作聲。有發驚之意。取理中湯丸末子一分。用猪胆汁童便各半。是調分三服。初

高麗醫學  
卷上  
一次少停。畧以乳喂一二口。即又進一次。又乳之。其  
兒睡一覺醒。則嘔出不伸。努不呃。作聲矣。此方治  
人甚多。宜秘之。

英山鄭孔韶一女。三月病嘔吐。予往視其症。乃傷食  
吐乳也。家人云。無乃理中湯去甘草。加丁香藿香服  
之不效。又作猪胆汁童便法。亦不效。四日後吐出飯  
半盃。予謂家人曰。女子數日不食。何以有此完飯也。  
見傷是真。遂以脾積丸投之。取下惡糞如靛。後詢之  
果五日前外翁王宅歸。比懷雞子黃色變也。所吐之

飯即食之飯也。壅塞腸胃。故拒飲食。所以作吐。下之則愈。

予思小兒吐噦不止。多是肝胆二經之病。故仲景猪胆人溺白通中。在厥陰病中。予製一方。治嘔吐不止之患。吳茱萸黃連等分。剉。又用向東陳壁土一塊。杵碎。放在銚中炒焦。水煎一二沸。澄清服之。凡治小兒嘔吐。後不可便與乳食。恐其吐。又作非醫之咎也。吐後多渴。禁與湯水。使忍一時。渴自止也。若與湯水。愈渴。轉吐不可止也。大人不同。有吐虺者。胃寒甚也。宜

訣二

訣三

訣四

訣五

訣六

理中丸用烏梅花椒煎湯調服神效。因於寒者食久則吐。其乳不化。宜理中湯四十加藿香砂仁主之。因於熱者食入而吐。其乳成片。宜理中湯加黃連竹茹主之。因於食積者吐出酸酸氣味惡食。宜家傳養脾消積丸五百五甚者丁香脾積丸主之三十吐止胃苓丸主之六百三因於蟲者吐出清水。腹痛多啼。理中湯加木香檳榔主之。如嘔吐藥食不入。此胃寒陰重。格拒其外陽也。宜理中入童便猪胆汁主之。

症驗

訣一  
訣二

一兒初生即吐。醫用錢氏木瓜丸予止之。曰不可。小兒胃氣甚微。或以乳多過飽而吐者。當令乳母緩緩與之食。或因浴時客寒犯胃而吐者。止當乳汁一盞。用姜葱全煎湯。少與服之。或因惡露涉水。停在腹中而吐。宜炙草煎湯而吐去之。如何敢用木瓜丸。以鉄粉檳榔之劑。重犯胃中。初生中和之氣哉。

泄瀉

泄瀉凡三症。寒熱積也。寒瀉者。糞色青而不渴。宜理中丸主之。熱瀉者。糞色黃而有渴。宜五苓散。調六一



外因四訣

散主之積瀉者。面黃。糞色酸臭。而脹痛。或渴不渴。宜  
丁香脾積丸主之。三十積不去。則瀉不能止也。三溪  
問曰。濕多成五泄。未聞所謂積瀉也。予曰。難經云。大  
瘕瀉者是也。久濕成五泄。有內因者。有外因者。有不  
外不內因者。如因於風者。水穀不分。謂之飧瀉。因於  
熱者。水穀暴泄。謂之洞泄。因於寒者。水穀不化。謂之  
溏瀉。因於濕者。水穀稠粘。謂之濡瀉。此四者。外因之  
病。濕自外生者也。因於積者。膿血交雜。腸鳴腹痛。所  
下腥臭。謂之瘕瀉。瘕瀉。宿食積瀉之名。乃食癥也。此

內因一訣

不內不外  
因一訣

內因之病。濕自內生者也。有不內不外因者。乃誤下之病。有挾寒挾熱之分。所謂腸垢驚瀉是也。又問脾積丸。乃取下之劑。何以能止瀉也。予曰。胃者水穀之府。腸者水穀流行之道路也。泄瀉腸胃之病也。腸胃無邪。水穀變化。便溺流行。是為無病矣。今有宿食不化。陳腐之物。積於腸胃之中。變為泄痢者。苟不窮其因。則泄瀉終不止也。故以脾積丸去其陳腐者。此拔本塞源之法。脾積丸之治積瀉。乃祖訓常道。予教諸子。治泄瀉。始終三法。初用理中丸。三十一服。不止。次

世寫

地部

所以臟腑  
分五瀉立  
論

脾瀉腎瀉  
分辨有理

用五苓散。二十二服分利。又不止。三用人參白朮散。  
服之。二十良久仍不止。再用參苓白朮散。八十四調理。  
未有不效。再不止。參朮白朮二分。肉苳菟丸一分。治  
之。四十發揮云。難經云。五瀉之論甚詳。予論大腸瀉。  
小腸瀉。大瘕瀉。即胃瀉。則易明。論脾瀉。腎瀉。則難分  
識也。且腑者府也。謂水穀所藏之府。有所受。即有所  
出。臟者藏也。乃魄魂精神志意之所藏。所藏之舍無  
所受。豈有所出哉。其脾瀉者。即胃瀉也。謂脾不能約  
束其胃。胃不能藏而瀉也。故瀉有屬脾。有屬腎者。自

腎瀉脾瀉  
各治有法

脾來者則成黃糜。瀉無度而少也。自腎來者。腎開竅於二陰。為閉藏之主。腎虛不能主閉藏。水穀自下。且下如瀆。有所受則有所出也。難經云。其瀉下重者。即腎瀉也。觀東垣先生論脾胃補中益氣湯。十二百凡大便努積者。加歸身紅花。努積即下重。當歸紅花以潤血。蓋腎惡燥。故用二物以潤之。腎瀉即與大瘕瀉同。若腎瀉即大便時畧難。却無裏急後重之症。古人立方治腎瀉。則用破故紙者。補其腎也。有用吳茱萸者。補其肝也。皆苦以堅之。辛以潤之之法也。予立一方。

治脾瀉者。只用參苓白朮丸。百四治腎瀉者。只用六  
味地黃丸。加破故紙。甚效。胃瀉。大腸瀉。小腸瀉。不同。  
自胃來者。水穀注下而不分。所下皆完穀也。此從寒  
中。治理中湯主之。自小腸來者。水穀注下亦不分。然  
水穀到此。雖已變化。還成糟粕。以五苓散主之。二十  
使水穀分利。則瀉自止矣。自大腸來者。則變已成屎。  
但不結聚。而所下皆酸臭也。宜用傷寒論中禹餘糧  
湯。二百陳文中痘疹方中肉苳蔻丸。四十此澀可去  
滑之法也。

以風寒暑  
濕分五瀉  
五症治法  
亦各不差

叔和云。濕多成五泄。此本內經濕勝則濡瀉之論。所謂五瀉。則與難經之論不同。叔和以臟腑分五瀉。叔和以風寒暑濕食分五瀉。或作素問如泄時有發熱惡寒。水穀不化者。此風濕症也。謂飧泄。經云春傷於風。夏生飧泄者。是也。宜小建中湯。附三十一加防風主之。若兼膿血者。以胃風湯主之。二百三十如瀉時有腹痛。或吐或不吐。所瀉皆完穀未化。此寒濕症也。宜理中湯主之。三十如瀉時有腹痛。或痛或不痛。所下皆有完穀而未盡化者。此邪熱不殺穀也。有成糟粕者。皆屬濕熱。

以傷寒中猪苓湯主之。二百寒濕熱濕宜詳辨之。屬  
 寒者不渴。傷熱者渴。如瀉時水穀混下。小便少。大便  
 多者。此濕瀉也。有溏瀉無度者。此久濕也。并宜五苓  
 散主之。二十如瀉時有腹痛腸鳴之症。惡食。所下皆  
 酸臭。此因宿食停滯於中。而成濕。此食化為濕也。宜  
 下之。積去。泄自止矣。丁香脾積丸主之。三十  
 泄瀉二字亦當辨之。泄者水穀之物泄出也。瀉者腸  
 胃之氣下陷也。

今四時

今時別症  
治法亦有  
條理次第

春月得之名傷風。其症發熱而渴。小便短少。宜先清

暑。後補脾胃。清暑用藿苓湯。百五補脾用人參白朮

散。主之。二十夏月後得之。瀉者有寒。有熱。渴欲飲水

者。熱瀉也。先服玉露散。二百以清暑止渴。後另服人

參白朮散。二十以補脾。如不渴者。寒瀉也。先服理中

丸。四十以溫中補脾。後五苓散。以清暑。此祖傳法也。

夏月水瀉。其詳有因五邪之氣所生。下病條內有案。

秋月得之。傷濕熱也。其症體重。所以溏糞。謂之濡瀉。

宜滌濕補脾。利小便。胃苓湯主之。一百或升麻除濕



湯二百六冬月得之傷寒瀉也其症腹痛所下清水宜

補理中湯卅四或理中湯加附子少許主之不止宜荳蔻

丸主之三四十四時之中有積瀉者面黃畧腫腹中時

痛所下酸臭是也宜先去積後調脾胃去積則用丁

香脾積丸一百卅六調理脾胃用胃苓丸治瀉大法不問寒暑

先理中丸三十以理中氣更以五苓散利小便再不

止是胃氣下陷也二百十二用補中益氣湯使清氣上升則止

又不止此滑瀉也四十宜荳蔻丸二澁之

凡兒久瀉依法治之不效者脾胃已衰不能運轉藥

味以絕變化。只用補脾丸。脾胃堅。藥自效矣。人參白  
朮散二十主之。常與無間。此先君之秘授也。

久瀉不止。津液消耗。脾胃倒壞。下之穀亡。必成慢驚。

所謂脾虛則吐瀉生風是也。應補脾胃於將衰之先。

用人參白朮散二十補之。補之不效。宜用調元湯八

加黃芪建中湯三十以急救之。否則慢驚已成。即不

治矣。詳見慢驚風內。

凡小兒泄瀉大渴不止。勿與湯水飲之。水入則愈加

渴。而痛益甚。宜先補脾胃之津液。人參白朮散主之。

訣二

訣三

訣四

訣五

瀉不止發熱者。此津液不足。乃虛熱也。勿投以涼藥。

反耗津液。宜人參白朮散。去乾姜。加乾葛。作大劑煎。

湯常服。以代茶湯。熱氣甚促。黃連丸主之。二百二風

濕作瀉。自下而上者。引而渴之。如脾胃弱甚。飲食不

思。腸鳴腹痛。泄瀉無度。小便赤澀。四肢困倦。并宜升

麻除濕湯。二百二傷熱者。瀉黃如玉露散。合五苓散。

名桂苓甘露飲。主之。二百二此予治熱瀉心得之。

法。

凡小兒有病。一日三五行。或瀉或止。連連不休者。此

脾瀉也。宜胃苓丸加人參主之。

百三十六

### 症驗

一小兒值盛夏。醫以天水散與之。九十謂其能解毒也。服後暴瀉。每用天水散。遂作理中湯。三十連三劑。瀉變痢疾。日夜無度。又膿血相雜。兒益困頓。皮燥無汗。髮聚成穗。召予治之。予曰：挾熱而痢者。其腸必垢。瀉久不止。則成疳瀉。此兒初瀉。本時行之病。非因天水散害也。醫者當用天水散。四十調五苓散。二十服之可也。反以理中湯熱劑。按之。遂成挾熱腸垢之病。

皮燥髮穗者。表經熱甚也。下痢窘迫者。裏經熱甚也。表裏俱熱。津液亦衰。事急矣。因製一方。黃連 乾

蟾炙各一錢 木香 青皮 茯苓 訶子肉各一錢

歸身一錢半 共為末。米粉為丸。每服三十五丸。炒陳米

湯下。十日後滿欲出小瘡。身發癩熱平。痢止而愈。此

子非我則不生矣。

一兒病瀉。大渴不止。醫以五苓散。玉露散。皆不效。其

病益甚。腮赤唇紅。予見之。曰不可治矣。泄瀉大渴者

水去穀少。津液不足。故也。法當用白朮散。以補其津

要訣

液○乃服五苓散○玉露散○滲利之劑○重亡津液○脾胃轉  
虛○訣云大渴不止○止而又渴者死○泄瀉不止○精神好  
者死○父母不信○二日發搐而死○醫者宜慎之○津液之  
耗○大抵先飲五苓散○過服之故○

一翁得子晚○名宜蘭○愛如珠玉○週歲水瀉○一日夜十  
餘行○翁善醫○自作理中湯○訶子肉蔻與之○不效○隨召  
予至○叙其用藥不效之由○予曰○正理論云○理中者理  
中氣也○治泄不利小便者○非其治也○隨用五苓散方○  
二十去桂加甘草○一服瀉止○三日後遍身發赤○痲子

係理歷歷  
分明

曰無妨。活人書云。傷寒病下之太早。熱氣乘虛入胃。今夏日熱盛之時。瀉久裏虛。熱氣乘虛而入。且過食理中辛甘之劑。熱留胃中。今發赤痢。熱自裏而出。表也。宜作化痢湯。必易愈。翁曰。石膏性寒。非瀉所宜。予曰。有是病則投是藥。夏月白虎湯宜用也。一服而痢即退。白虎湯二十即化痢湯。

本縣令參閣公子病泄十日不止。衆醫用理中五苓。益元白朮散等皆不效。瀉渴益甚。公亟召予。至視其外效。啓曰。渴太甚。當先止渴。蓋病本濕熱。水穀不分。

審症選方  
不可拘執  
而用法又  
不可無權  
變也

更飲多水。則濕脾胃。水積腸胃。所瀉之水。乃所飲之  
水也。故當先止其渴。渴止瀉亦止矣。尹曰。宜用何方。  
曰。白朮散。尹曰。已服過多。予曰。用之不同也。尹曰。用  
之不同。有異法乎。予曰。本方在與服之。便是法也。蓋  
白朮散。乃治瀉治渴之神藥也。此方有二方。用  
人參。白朮。茯苓。甘草。藿香。木香。此六  
味各一錢。葛根倍二錢者。泄瀉久不止。胃中津液  
下陷。故倍用乾葛。以升胃中津液。此一法也。今人不  
知倍用之法。與六味等分。故小效也。兒病渴者。湯水



不離。今人不知常與之法。以其藥常代湯水飲之。故  
所用之方同。而所用之法不同。藥少而湯水多。如何  
有效。當作大劑煎湯。以代茶湯飲之。後渴止。飲本湯。  
茶湯一切禁絕。勿與。則胃氣上升。津液自生。渴瀉自  
止。尹聽之。果一劑治愈矣。不問泄瀉痢疾。并此服之。  
多多益善。豈第泄瀉可止也。亦不至脾虛生風。此乃  
神方。謹詳述之。某公子脾虛弱。傷飲食。一醫枳朮丸  
保和丸。百六欲其常服。枳朮丸補脾。至傷食。則服保  
和丸。不效。公問予。予曰。此法固好。但專用枳朮丸。則

無消導之藥。初不能制其飲食之傷。專服保和丸。則脾胃之虛。不能勝其消導。而反損中和之氣。當立一方。七分補養。三分消導。則脾胃自強。不能再傷矣。公

曰。善。予立一方。人參 白朮 陳皮去皮 甘草

木香 砂仁 山藥 蓮肉 使君子 神糶 麥

牙為末。薄荷葉浸水蒸飯。搗爛為丸。米湯下。名曰

養脾胃消食肥兒丸。服後精神頓異。飲食無傷。公喜錄其方。常常用之。

庠士胡逸泉。東劾翁之伯子也。二歲時得水瀉。先請

備此數症  
俱是疳瀉

甘大用醫不愈。次請予。予視之。則肌膚銷削。面色皎  
白。時炎夏。凝汗不潤。皮膚乾燥。髮豎。所下頻。并畧帶  
後重。此氣血俱虛也。按法治之。補中氣。利小便。升舉  
其陽。固澀其精。次第調治。略無寸效。或曰如何而可。  
予曰。術將窮矣。惟有一法。未用耳。乃作疳瀉治之用。  
人參 白朮 茯苓 甘草 陳皮 山藥 當歸  
蓮肉 砂仁 訶子 豆蔻 黃連 木香 乾蟾  
為末。神糶糊為丸。煎使君子湯送下。服未二日。膚  
潤。有微汗。再服一日。頭上見出紅瘡。小便多。五日而

要訣

瀉止後更參苓白木百四八作丸服之而安。

湖廣孫布政小姐五月病瀉。至七月猶未止。召予醫。予見大渴。乃知津液不足也。若不先止渴。則瀉不止。而熱亦不止矣。公問予曰。九月可安乎。予曰。三日止渴十日。退熱十八日。則安矣。公曰。病已久。一月而安。幸矣。乃進白木散三十與作大劑。煎以代茶湯。須臾飲盡。予見渴甚。再加製過天花粉二劑。是夜渴止。瀉亦漸止。次日又服一劑。渴瀉俱止。三日熱亦漸退。再用白木散三十減乾姜加陳皮調理半月而愈。

訣一  
訣二

痢疾

痢不論赤白。皆從積治。濕熱者食積之主也。初得痢其法宜下。積不去。痢不止也。如吐瀉後痢者。其積已下。不可再下。又傷脾胃氣。可下者。木香導滯丸主之。  
百七予教諸子治痢。只用保和丸。百七香連丸。四十同服。萬無一失。先瀉後痢。治見腎經條內。

症驗

鄭陽撫治孫公小姐。夏月病痢。久未愈。召予至。用人參 白茯苓 白朮 炙草 當歸 芍藥 車

要訣

前子 陳皮 各等分 炒乾 姜少許 黃芩煎服五六

日大安 問予曰 諸醫俱用木香 芩連 今所用皆非治

病之藥 而效者何也 予曰 此方河間黃芩芍藥湯也

所謂調其氣 則後重自除 養其血 則痢自止之法 公

曰 先生之遇 予非偶也

奉縣祝道士長子七歲 病痢半年不痊 予治之 以人

參 白朮 白茯苓 甘草 陳皮 山藥 黃芪

桔梗 木香 黃連 柯子 肉豆 車前 炒乾

姜 澤瀉 神糶 當歸 麥芽 白芍為末 神

切脈亦要  
有通權達  
變

四訣要訣

糶糊為丸。米湯下。名曰保中丸。三二一月而愈。  
一女十歲。患痢久不止。脈洪數。或曰下痢脈宜細。此  
女脈洪數。恐難治也。予曰。童女之脈如是。胃氣常強。  
不久自痊。果數日後痢止。

本縣張大尹公子病赤白痢甚苦。予用黃連一錢。木  
香五分。石蓮肉五分。陳皮七分。乾姜二分。炒為末。神  
糶糊為丸。黍米大。陳米湯下。痢疾脫肛者。只止其  
痢。痢止。肛自不下矣。瀉後變痢後重者。胃氣下陷也。  
赤白者。腸垢下溜也。水穀盡而腸胃敗。故死。

申明止症

十死症要  
知

此明宜下  
之法

痢後變瀉。後重止者。濕熱之氣除也。赤白止者。陳腐之物盡也。腸胃通而水穀行。故止也。

凡下痢鮮血者。黑如屋漏水者。氣促者。大吼如竹筒者。嘔噦不食者。軟腫者。身熱脈大者。渴欲飲水者。口大渴者。面嬌面青者。皆死症。

初病痢者。腹中急痛。大便窘迫。小便赤澀。身熱飲水者。急宜下之。輕者三黃枳朮丸。百六重者木香枳榔丸。百六去其陳垢。其痢自止。此時邪氣正動。未傷者宜下之。若喜補惡攻。使邪氣日強。正氣日弱。不下之則積熱不除。下之則



此明不可  
再下之  
法

分析明確

脾胃俱弱。釀成大禍。醫之過也。初病泄瀉。變成痢疾者。此宿垢已去。不可再下。如有腹痛裏急後重者。乃未盡之餘邪也。宜去積止痢。保和去滯丸。百七去積香連丸。五十止痢痢久。名為休息痢。用家傳和中丸。二百三或曰赤痢為熱。白痢為寒。其治如何。予曰病源式論之詳矣。痢下赤白。皆濕熱也。赤者自小腸來。小腸者心之府也。心屬火。故其色赤。白者自大腸來。大腸者肺之府。大腸屬金。故其色白。赤者屬熱。白者屬濕。濕

訣一

訣二

瀉痢先後  
難易之故  
議論明確

亦熱也。經云濕盛而熱也。若初下鮮血者非赤也。此乃風熱之毒宜剪紅丸二百三五主之。若痢下瘀血如豆汁者此濕氣下血也宜用胃風湯二百三主之。或問丹溪云先瀉後痢者脾傳腎也難治先痢後瀉者腎傳脾也易治何以言之曰脾主濕濕勝則濡瀉瀉者脾之病也瀉久不止又變成痢痢下後重腎病也非痢也故後重者胃氣下陷也膿血腸垢下溜也真氣敗而穀氣絕故難治腎惡濕小兒久坐濕地則傷腎裏急後重便膿血者腎之病痢久不止忽變成

瀉者。濕去而脾病在也。故裏不急痛者。濕熱之毒也。除矣。便無膿血者。陳朽之穢物盡矣。脾胃通而水行。故易治。或問痢疾身涼脈靜者生。身熱脈燥者死。然乎。曰。初病時邪氣方盛。身熱脈燥者多。不可呼為死症。邪氣盛則實。可急下之。邪去脈自衰。身則涼也。痢久而身熱脈燥。乃不可治也。脈靜身涼。久痢之後。真氣已虛之脈也。身宜溫。不可太涼。脈宜靜。不可太弱。難經云。濕痢五虛者死。脈細一也。皮寒二也。少氣三也。泄痢不止四也。飲食不進五也。此脈靜身涼之言。

要訣

當詳慎之。

訣一

久痢不能食。或有食入則吐。名禁口痢。即經所謂五  
虛者死。古方雖多無效。大抵瀉痢已久。津液自竭。脾  
胃虛弱。不能食也。宜補為主。白朮丸三十去乾葛加  
炒乾姜者。主之。能食者生。反是者死。痢久脫肛者。氣  
虛也。當用河間行氣養血法。即河間黃芩芍藥湯。

訣二

痢止後重除。腸肛不出矣。用加減八珍丸主之。二百三四

訣三

有痢下赤白青黑者。名野雉痢。用阿膠梅連丸主之。

訣四

二百有痢兩膝腫大者。名鶴膝痢。加味地黃丸主之。  
三一

瘧疾

凡瘧疾不問新舊宜服平瘧養脾丸二百四十此家傳秘方也。

初治法

初起有外因者不問風寒暑濕之邪宜香蘇散二百三十四加常山檳榔烏梅於發日五更服得為善蓋吐中即有發散之義則不復作矣有內因者飲食不化積而成痰痰變而為瘧者平胃散二百三十七加常山烏梅檳榔

詠三

此以晝夜發熱分陰陽初治之法也

臨發日五更時服。或吐或下痰積悉除而不作矣。有不內不外因者。客忤中惡。寐夢顛倒。成瘧者。邪虛也。宜四聖丸。二百三十九家傳斬鬼丹主之。

人身營衛之氣。晝則行陽。二十五度。夜則行陰。二十

五度。故瘧之晝發熱者。邪在陽。分易治。宜用前法治

之夜發熱者。不可截也。宜桂枝湯。二百三十七加生地當歸

桃仁。發血中之邪。自己不已者。必須升提。至陽分。然

後截之。升提宜柴胡四物湯。二百四十三加升麻葛根。截宜

柴胡湯。二百一十一加常山。檳榔。烏梅。主之。

中治法

要訣  
此以寒熱  
多少分別  
用藥乃中  
治之法也

邪氣漸強。正氣漸衰。宜養正去邪。和解為主。柴苓湯。  
二百。此和解之聖方也。服三劑後。加常山烏梅以去  
其邪。二補一攻。相與調理。以瘡止為度。如有熱多寒  
少。宜用柴胡白虎湯。二百寒多熱少者。宜用柴胡桂  
枝湯。二劑之後。間截藥一劑。熱多者用常山知母草  
菓檳榔各一錢。截之。寒多者用常山一錢五分。丁香  
五分。烏梅一個。為劑。截之。各用酒一盞。浸一宿。發日  
五更服。如神。

要訣  
此因症加  
減以養正  
乃未治之  
法也

未治法

瘡久不止為瘦瘡老瘡也。邪氣已盛。正氣已衰。專以  
養正為主。使正氣復而邪氣自盡也。十全大補湯。  
十加陳皮。半夏。柴胡。主之。食少者去地黃。加神糶。有  
瘡母者。本方加青皮。神糶丸。九肋。鼈甲。醋炒。  
小兒久瘡不退。腹中或左或右有塊者。名瘡母。即癬  
也。瘡病如此。經年不愈。常為潮熱。其狀似瘡。面黃腹  
大。乃其候也。宜消去之。祖方用月貼丸。百一。今予立  
消癬丸為效。二百。小兒久瘡成疔癆者。集聖丸主之。

訣一  
訣二



二百瘡後與泄瀉並作者宜牝苓丸二百加檳榔烏  
 梅主之蓋小牝胡湯二百治瘡五苓散八十治瀉痢  
 檳榔烏梅瘡痢必用之聖藥也

症驗

一兒歲半病瘡二日一發久不愈其兒黃瘦而脚腫  
 腹脹予用平瘡養脾丸二百治之而止  
 一兒病瘡醫以牝苓投之二百調理二十日不效予  
 用平瘡養脾丸治之遂效  
 一兒染瘡醫用截藥內有砒丹三截之遂成疔瘡其

父恨前醫之誤。乃召予。予用平瘡養脾丸。治瘡。集聖

丸二百治疔。一月而安。

一兒先瘡後驚。予用調元湯十八及琥珀抱龍丸四

十治之一女。先驚後瘡。瘡久成疔。用集聖丸治。

一兒病瘡。一日一發。予以家傳斬鬼丹三百截之。而

止。三日後又發。再截。凡三二四日又發。其父怪而問

之時。六七月棗熟。予疑啖生棗。故止而又發也。問之

果然。乃禁之。先用胃苓散六百三三日。又以斬鬼丹截

之。而愈。

要訣

江南汀季子病瘡三年。請予至。視其面色黃白。山根帶青。腹大而堅。曰：此久瘡成癰。癰在則潮熱。當與補正。消癰瘡熱自除。恨無九肋鼈甲耳。汀求得之。因製一方。人參、白朮、青皮、陳皮、三稜、莪朮、木香、砂仁、當歸、川芎、黃連、牝胡、鱉甲為末。神糶糊為丸。炒米湯下一日三服。不兩月而愈。

陸沈卷李宅女七歲。戊戌秋先患外感。後乃變瘡。因用截藥。變作成痢。至冬痢止。而瘡益甚。予往見。見其大骨高起。大肉陷下。髮稀目陷。面黃鼻燥。不思飲食。

惟思啖食蓮肉。此乃內傷脾虛疴癆症也。至春必痊。  
用集聖散一料。二百服。至次年二月果安。

一兒久瘡成癬。因癬生熱。或三五日一發。發則十餘

日不止。常在申酉時。但不寒顫。又微惡寒。即發熱。熱

亦不甚。發過不渴。亦不頭痛。予用消癬丸。二百平瘡

養脾丸。二百相間服之。半年而痊。

一兒瘡後腹痛。用加減塌氣丸。二百服之。而愈。

萬氏醫貫地部卷上終

此乃舊書此特卷上幾行不至視其色

...

...

一以美對期燕民吸燕融康民二十百耶之所食

秦朝大... 耐... 半平... 幾...

初不甚幾數不... 不... 既... 于... 用... 前... 疾... 火... 心... 平...

向不出常... 或... 申... 既... 卧... 不... 寒... 隨... 天... 地... 身... 寒... 中... 好... 幾... 幾...

一... 之... 數... 為... 與... 因... 既... 上... 康... 後... 三... 正... 日... 一... 終... 終... 下... 終...

用... 集... 聖... 婦... 一... 株... 二... 百... 耶... 至... 水... 平... 二... 月... 果... 好... 佳... 見... 見...

非... 聖... 知... 會... 董... 內... 地... 不... 以... 動... 朝... 盡... 病... 疫... 或... 或... 至... 春... 必... 必...

萬氏醫貫地部卷下

疝症

要訣

補得分明

疝症雖有五臟之不同。其實皆脾胃之病也。錢氏分  
 肥瘦冷熱四者。庶為近理。以初病者為肥熱疝。久病  
 者為瘦冷疝。似有虛實之分。不知疝有虛曾有實乎。  
 此非錢氏親筆。乃門人附會之說也。今乃以先生之  
 意補之。蓋兒太飽則傷胃。太飢則傷脾。肥熱疝其食  
 多。太飽之病乎。瘦冷疝其食少。太飢之病乎。如審其  
 食少者。肥兒丸調之。九二百食多者。集聖丸主之。四二百

疝症

地部

小兒乳食少者。父母常以他物飼之。兒之性只求一飽。或食太多。或食太少。致脾胃受傷。生此疳病也。

### 症驗

庠士李閑一子。週歲。因食猪肉受傷。肢體削瘦。予取脾積丸五粒。予之。教以猪肉湯吞下。果下猪肉一片。如大指大。痰涎包裹。數日。其子頓安。

胡鳳崔子病疳。凡多食則腹痛。令治之。予曰。人以穀為本。穀入作痛。豈新穀乎。必有舊穀為積。故與新穀相持。乃作養脾消積丸。二四四服之。而安。

要訣

疸黃

疸有二症。有因天地濕熱之氣而發者。有因水穀之濕熱而發者。小兒之病多因濕熱。食與大人不同。宜用胃苓丸百三研末一兩。茵陳末五錢。研勻。神糶糊丸。燈心湯送下。

症驗

一兒十餘歲。疸病。面目皆黃。用黃連、黃柏、梔子、茵陳、猪苓、澤瀉、枳壳、厚樸、各二錢、大黃一錢為末。神糶糊為丸。米湯下。初服二日。吐宿冷黃水。



三盃。又二日利三行。五日而退。

### 調理脾胃

人以脾胃為本。所當調理。小兒脾常不足。尤不可不  
 調理也。法在調乳母。節飲食。使脾胃無傷。則根本常  
 完固矣。脾喜溫而惡寒。胃喜清而惡熱。故用藥者偏  
 寒則傷脾。偏熱則傷胃。製方之法。宜五味相濟。四氣  
 俱備也。故積濕則成熱。積涼則成寒。猶不宜偏熱偏  
 寒也。食多則飽。飽則傷胃。食少則飢。飢則傷脾。故調  
 理脾胃。先節飲食。適寒溫也。今之調理者。不知中和

議論確當

訣一

訣二

此調乳母  
節飲食以  
理脾胃乃  
謂正本清  
源之法而  
乳有冷熱

之道偏之為害。專愛補而惡攻。不知攻之為害固大。

而補之為害不淺矣。兒有少食而易飽者。此胃之不

能受。脾之不能消也。當益胃之陽。養脾之陰。錢氏異

功散。四十合小建中湯。附三兒有食多而易飢者。此

脾胃之邪熱甚也。宜瀉脾胃之火。三黃枳朮丸主之。

百八

乳母者兒之相依為命者也。如母壯則乳多而子肥。

母弱則乳少而子瘠。母安則子安。母病則子病。蓋乳

者血所化也。血者水穀之精氣所生也。飲食入胃氣

萬氏醫書

調理脾胃

二地部

多少之傷  
訣又不可  
不知也

通於乳。母食熱則乳亦熱。食冷則乳亦冷。故兒傷乳  
熱者則瀉黃色。用黃芩芍藥湯。二百四十七加黃連為主。傷  
冷乳則瀉青色。用理中湯為主。三十四乳多者當節之。  
否則令兒吐乳也。乳少者宜調其乳。母使乳常足不  
可令兒飢。更不宜以他物喂之。恐成大害。調乳母宜  
加減四物湯。二百四十八猪蹄湯主之。忌食麪生冷酒一切  
辛熱之物。常以猪蹄湯與之。甚良。乳母經閉經漏請  
醫治之。恐乳少也。

症驗

一兒食肉太早。傷脾胃。病泄痢。腹大而堅。肌肉削瘦。已成疳矣。父母憂之。兒病益甚。予甚憫之。乃立一方。

人參 炙芪 白茯苓 粉草 川芎 以上補脾胃 養氣血

砂仁 厚樸 麥芽炒 半夏 九肋鱉甲 醋炙以上消癖

黃乾蟾 燒灰存性 夜明砂 以上除疳熱 白朮 當歸 陳皮

木香 枳實 神糶 以上消積 三稜 莪朮 以上消癖 醋炙

使君子 消疳熱 共為末。粟米糊為丸。麻子大。每服三五

丸。炒米湯下。調理而安。

養子歌云。乳多終傷胃。食壅多傷脾。甚矣乳之不可

萬氏醫書 症驗 地部

訣一

不節也。富貴之兒無欲不遂。多傷飲食。貧賤之兒無所縱嗜。則脾胃中和之氣不損也。損之輕者。損穀自愈。損之重者。消導之。宜胃苓保和丸。七百六養脾消積

訣二

丸。四百四傷之甚者。則推去之。審其所傷之物。如傷熱

訣三

物。宜三化丸。四百九三黃枳朮丸。八百六木香檳榔丸。六百

丸。傷冷物者。三稜消癖丸。一百五丁香脾積丸。三十如

脾胃素弱。食少。一遇過食。則傷。宜用補脾進食肥兒

丸。二百九此其要藥也。醫藥者。兒之所以保命也。無病

之時。不可服藥。如有外感風寒。則發散之。不可過汗。

訣一

訣二

訣三

訣四

訣五

訣六

亡其陽也。內傷飲食。則消導之。不宜過下。亡其陰也。小兒易虛易實。虛則補之。實則瀉之。藥必對症。中藥無過劑也。病有宜攻者。急攻之。不可喜補。惡攻。以天

兒命。雖有可攻者。宜酌而攻之。不可犯其胃氣也。小

兒之藥。貴和平。偏寒偏熱之劑。不可過多。如輕粉之

去痰。硃砂之消積。礞石之回陽。凡有毒之物。宜遠之。

故發散者。宜惺惺散。百十消導者。宜保和丸。百六虛

實瀉。按錢氏五臟補瀉之方。加減用之。誤服熱藥者。

宜大豆卷散。二百誤服涼藥者。宜益脾散。二百發汗

要訣

以氣味分  
陰陽補瀉  
已得其要

太過者。宜黃芪建中湯。主之。一三十

小兒久病。只以補脾胃為主。補其正氣。則病自愈。宜

養脾丸。一百加對症之藥一二味。在內服之。

或問脾胃補瀉之味。予曰天食人以五氣。地食人以

五味。五氣者寒熱溫涼平也。五味者鹹酸苦辛甘也。

氣為陽。陽不足補之以氣。味為陰。陰不足補之以味。

故肝屬木。味以辛補酸瀉。氣以溫補涼瀉。心屬火。味

以鹹補苦瀉。氣以熱補寒瀉。肺屬金。味以酸補辛瀉。

氣以涼補溫瀉。腎屬水。味以苦補鹹瀉。氣以寒補熱

論尤周至

瀉。是四臟者各屬一季。味則逆之。氣則從之。以補以瀉也。至於脾胃屬土。寄旺四季。無定位也。無從逆也。故於五味四氣均平。以中和為主。補瀉則無偏勝也。况脾喜溫而惡寒。胃喜清而惡熱。偏寒偏熱之氣。故不可專用。然積溫成熱。積涼成寒。雖溫平涼和之藥。亦不可羣聚久服。經云。治熱以寒。溫而行之。治寒以熱。涼而行之。其斯以為善乎。

症驗

一人自知醫小兒無病。常以補丸使服。至病不請醫。



又自治之。予曰：小兒無病，不可服藥。古人謂無病服藥，如壁上海柱，此言洵然也。

一兒八歲，形氣甚弱。其父責令讀書，予見之，謂其父

曰：令郎形氣若此，不可嚴督。乃進養脾丸一百六肥兒

丸二百九。半年後，未痊。又病疳矣。先用一老醫謂其傷

食用一粒金丹服之，病益劇。召予，予曰：前送二服藥

曾服完乎？曰：未也。予又問曰：今服何藥？曰：一粒丹。予

曰：不可治矣。一粒丹內有草烏、巴豆大毒之藥，豈可

常服者乎？此兒脾胃素弱，怯食而瘦，故以肥兒丸調

實瀉虛補  
最要審視

理之。何應服而不服。一粒金丹大傷胃氣。此不應服。而服傷之。又傷。謂之應死。後果死。一監生胡篤齋。咳久不止。汗之不可。下之不可。因於表裏之邪俱甚也。自製一方。蘇葉 薄荷葉 桑白皮 杏霜 括萋霜 甘草末 桔梗 等分 虛者加阿膠。右為末。煉蜜為丸。白湯下。或口中含化。五日而安。後以此方治人。屢驗。

肺經主病

肺主喘。實則悶亂喘促。好飲水。亦有不飲水者。俱宜

訣一

訣二

要論訣二

瀉白散五十葶九六百七瀉之虛則哽氣長出宜阿

膠散二百生脈散二百甘桔湯補之

兼症

諸氣喘促上氣咳嗽面腫皆肺經之本病也加味瀉

白散二百加桔梗防風二錢甘草一錢地骨皮

一錢二分兼見肝症由中風得之鼻流清涕惡寒喘

嗽宜發散加減參蘇散三主之如久咳嗽風痰不治

錢氏所謂三瀉肝而肝病不退三補肺而肺病又虛

是也

症驗

按時論病  
得訣

訣二

訣三

一小兒二歲久病嗽。時十月初。請予治之。予曰不可治矣。父問其故。予曰嗽者肺病也。肺屬金。十月建亥。金氣已衰。木氣已生。令郎面色皸白。肺之哀也。頭搖手擺。肝之風也。必作搐而死。果死。

兼見心症。發熱飲水。喘嗽悶亂。此心火勝也。宜涼膈散。二百加知母石膏主之。久嗽不止者。黃連阿膠散。二百黃連赤苓。能抑心火。肺得其清。

兼見脾症。咳則吐。此傷乳食而喘嗽不安。宜葶藶丸。

萬氏醫貫

症驗

地部

百七 小陷胸加大黃湯主之 二百五六

症驗

一兒泄瀉後病咳而喘上氣急予用芎蝎散 二百五九

一女子脾胃素弱一日啖生棗病腹脹而喘予作錢

氏異功散加藿香葉以去脾經之濕紫蘇以去肺經

之風一大劑而脹消咳止

一女子素有喘病發則吐痰予用補腎地黃丸 二百五七

與服之或怪而問曰喘者肺病也予曰肺主氣腎則

納而藏之痰涎腎之津液所生也哮喘吐涎乃氣不

此秘人多  
不悟反忽  
視之可怪  
也夫

訣一

訣二

訣三

訣四

訣五

歸元。津液無所受也。果服此丸而安。

或問感而得之。必洒洒惡寒。鼻流清涕。或鼻塞。宜發

散。加減五拗湯主之。二百如發散熱不退。渴欲飲水

者。宜瀉白散主之。五十如不熱不渴者。甘桔湯第七

加紫蘇減半。烏梅肉水煎入阿膠化服。因於痰者。或

乳多壅出。小兒吞嚥不及。噎出而成痰嗽者。或因兒

啼未息。氣未平。即乳哺氣逆而嗽者。此乳挾痰而嗽

也。宜玉液丸主之。二百有痰甚者。氣弱不可下。宜潤

下丸主之。二百發揮云。經曰。秋傷冷熱。冬發咳喘。乃

訣一  
訣二  
訣三  
訣四

太陰濕土之病也。凡咳嗽有痰有氣。痰出於脾。氣出於肺。皆飲所化。脾胃之總司也。飲食入胃。脾為傳化。水穀之精氣。周流一身。晝夜不息。虛則不能運化。精悍之氣。以成營衛。其糟粕之清者為飲。濁者為痰。留於胸中。溢於咽嗑。其氣相搏。浮沈作癢。訶訶作聲。而發為咳嗽。故治痰嗽。先化其痰。欲化其痰。先理其氣。陳皮 枳壳 以理肺中之氣。半夏 茯苓 以理脾中之痰。此治咳之大畧也。若大虛則補之。阿膠散。二百實則瀉之。葶薈丸。六百七家傳玉液丸。二百無

多丸二百二方俱失。

症驗

胡篤菴方四歲。二月間患咳嗽。一醫以葶藶丸六七

治之。隨止。隨作。四月時益甚。又用二醫。以五拗湯暫

止。又作。更迭用藥。咳不止。秋受甚。一咳百十聲。痰血

竝至。九月加重。予往視之。見兩頰微赤。山根青。準頭

紅。視內。症果一咳百十聲。氣促面赤。痰先出。而血隨

之。痰血竝來。其咳方定。問其起之時。自二月有之。予

思此病起自春初。木旺金衰。法當抑肝補脾。以滋肺

得寢

症驗

也部



得竅

得竅

之化源。以葶藶瀉肺。此一逆。夏多炎熱。火旺金衰。法當清心養肺。治以寒涼。反用五拗甘熱之劑。用熱遠熱之戒。此再逆也。今秋氣宜降矣。而上急者。春升之氣未退也。氣宜歛矣。而痰血並出者。夏火之氣未退。必與清金降火。潤肺涼血。非三五十劑不效。告之曰。令郎之痰。肺有虛火。幸遇秋金旺。可治。若愈之一月。成功。因製一方。天冬 麥冬 川貝母 知母 梔子 桔梗 甘草 陳皮 枳壳 阿膠 片苓 蘇葉 水煎服。一方無枳壳蘇葉。有括萁霜。即天花粉。

認疴明晰

前胡。取茅根自然汁和飲之。五劑後減十分之七。口  
鼻之血止矣。其父元溪終不釋。又請葉紹法治之。咳  
又起。氣促。血又来。元溪至是始信。予予依舊照前立  
方。血止。後去片苓。梔子。加冬花。五味。咳止。後以人參  
白朮散調之。二百凡十七日而安。予歸因名其方曰  
潤肺降火茆根湯。二百今吾子等用之皆效。  
黃州府省祭許成仁有子病咳血。醫用五節根湯治  
之不效。予見之。語其醫曰。病不同也。彼乃肺中有火。  
氣逆而咳。此則肺虛咳血也。乃製一方用阿膠珠

病源不可  
不察

天冬 麥冬 桑白皮 蜜炒桔梗 甘草 蘇葉

烏梅 柿霜 煎服五日見效。按久嗽氣逆。面目

浮腫而嗽吐血者。即肺虛損人。見郭雜錄內。

蘇城曾芸塘一子年九歲。病嗽半夜尤甚。乃胎稟不

足。腎虛嗽也。用人參固本丸。參補加阿膠。桑白皮

蜜為丸服之一劑而安。

本縣汪元津一子病腎虛咳。與上同。予用人參固本

丸。加白茯苓知母各等分為末。蜜為丸服之。

一兒百日內嗽不止。名曰百醉咳。難治。宜甘桔湯加

阿膠主之第七

小兒素有哮喘。遇天雨則發。用蘇陳九寶湯二百六十六主

之。如吐痰多者。六味地黄丸主之。七百五

發揮云。腎者水臟也。受五臟六腑之精液而藏之。入

心為汗。入肝為淚。入肺為泣。入脾為涎。自入為精。凡

咳嗽之吐痰者。乃腎之精液不歸元也。宜補腎。地黃

丸主之。七百五加巴戟杜仲炒鹽水肉蓯蓉酒洗去甲小

茴香炒破故紙炒研末為蜜丸。煎麥冬湯下。

症驗

症驗

也部

本縣胡三溪長女。素有喘疾。發則多吐痰涎。用上補腎地黄丸。人初不知有笈之者。及後喘止痰止。乃信之。

凡小兒之久嗽不止。面目浮腫者。此肺氣逆也。宜五

皮湯百三加紫蘇葉更妙。

一富家兒。泄瀉後病喘急。予思此脾胃虛也。寒濕之

氣上升也。用陳氏芎蝎散。一服而止。二百五九

一兒三歲病嗽血。一醫用茆根湯治。二百七四予阻之。因

製一方。阿膠珠、桑白皮、蜜炙杏仁、炒桔梗、甘草。

蘇葉。各等分。為末。蜜丸。芡實大。每服一丸。陳皮湯下。

五日而安。

喘嗽

肺主喘嗽。喘有順逆。嗽有新舊。須辨明之。喘順者或

因風寒而發。不然則無是病也。此屬外感。宜發散。五

虎湯主之。二百喘有逆者。痰逆。或遇寒冷而發。發則

連綿不已。發過如常。有時又發者。此為宿痰。不可除

也。初發時易治。待其少衰。宜蘇陳九寶丸主之。二百

慎勿砒霜。輕粉。諸毒藥之物。攻之。與其攻而無益。不

此明喘有順逆之治法

喘嗽  
地部

此明新嗽  
之治法

若拙而行其無事也。逆者大病。氣喘急。痰涎有音。皆惡候也。不治。惟腫脹之病。常有喘者。宜蘇子降氣湯

主之。

二百五十

嗽之新者。因風寒中於皮毛。皮毛者肺之屬也。肺受

風寒之邪。則發為咳嗽。其症鼻流清涕。或鼻塞是也。

宜發散華蓋散。二百六三作丸服之。即三拗湯加減。

或因乳食得之。凡小兒啼哭未定。不可強喂乳兒口。

乳氣相搏。而逆必噎出也。胃氣既逆。脾氣不和。發為

痰咳。則吐乳是也。宜順氣和胃。加減大安丸主之。

二百

此明久嗽之法治

訣一

訣二

訣三

訣四

訣五

訣六

六初傷乳者。未得順氣化痰。以致脾胃俱虛。乃成虛

痰。宜健脾補肺。消乳化痰。三奇湯二百五主之。

久痰者。初得病時。因於風者。未得發散。以漸入於裏。

肺氣益虛而嗽。宜補肺兼發散。二百七十人參潤肺散主

之久。嗽不止。服上諸藥不效。宜神應散。二百七十主之。氣

弱者必用之。如氣實者不可服。宜家傳葶藶丸。六百七

主之。久嗽不已。嗽而有血者。此肺損也。宜茆根湯。二百七

四百主之。久嗽不已。胸高起如龜壳者。此名龜胸。難治。七

家傳葶藶丸主之。久嗽不已。日漸羸弱。又發搐者。此

萬代醫書

喘嗽

也部



訣七

訣八

訣九

要訣

驚風不治。如不發搐。俱羸瘦者。此名為疳瘦。宜人參

款冬花膏。二百六十四合阿膠丸。二百五十四主之久嗽不已。面浮

腫者。宜五皮湯。四百三十四加蘇葉主之久嗽不已。咯唾膿

血者。此肺癰也。宜桔梗湯。二百六十九主之。

小兒初生百日内嗽者。謂之百晬内嗽。痰多者宜玉

液丸。二百二十九肺嗽者阿膠丸主之。二百五十一此名胎嗽。最為

難治。如喘嗽氣促。連聲不止。以致發搐必死。

症驗

一女四歲嗽不已。胸高伏如龜壳。嗽時脇骨扇動。父

知難治。予曰。此肺熱而脹成龜胸也。龜胸龜背。方皆有之。無治法也。後果搗死。

### 腎臟主病

腎主虛無實。地黄丸主之。惟痘疹腎實則黑陷也。此非錢氏之語。乃記者之誤焉。蓋腎主骨髓。痘疹之出。乃自骨髓出於肋肉血皮膚之外。變黑歸腎。則不能散於外而反於內。此腎中真氣之虛。邪氣之實。所立百祥丸。牛李膏。二方合用。乃瀉腎中之邪氣。非瀉腎之真氣也。况腎中之水。潤澤光壯。由津液之充滿也。

### 議論明通

痘疹瘡毒黑陷者。正腎水虛。水不勝火。津液枯乾。故變為黑。陷入裏。所謂瀉之者。瀉火救水之良方也。諸虛不足。胎稟怯弱者。皆腎之本臟病也。五臟病後成腎虛者。各用地黃丸。七百五加減隨用。惟痘疹歸腎有瀉有補。變黑倒陷者。宜百祥丸。二十五李膏瀉之。

兼症

瀉泄灰白癢塌者。宜陳氏異功散補之。二十兼見肝症。驚風及手足癱者。宜地黃丸。七百五加牛膝當歸續。

斷。各二兩。肉桂一兩為末。蜜為丸。服之。兼見心症。驚風及失音不語者。宜地黄丸。加石菖蒲。柏子仁。遠志。各二兩為末。蜜為丸。服之。兼見脾症。吐瀉及變痢者。宜地黄丸。加黃柏。川連。各酒炒二兩。乾姜炒。車前子。肉苳。麩。麩。各一兩為末。蜜為丸。服之。兼見肺症。咳嗽痰中有血。宜地黄丸。加麥冬。天冬。培知母。黃柏。蜜水炒。阿膠炒。各一兩為末。蜜為丸。服之。

腎經主病

錢氏曰。腎主虛。即胎稟不及之病也。按經云。腎主骨。

要訣

腎骨會大杼。大杼以上喉骨也。頸者頭之莖也。莖弱則欲傾矣。乃大杼以下脊骨也。脊者人之柱。脊弱則身曲矣。脊之下尻骨也。尻骨不成則兒坐遲矣。尻骨之下則胯骨也。胯骨弱則不能立矣。胯骨之下膝骨也。膝骨弱則不能行矣。齒者骨之餘。骨氣不足則齒生遲矣。髮者血之餘也。腎主血。血不足則髮生難矣。皆胎稟不足之病也。謂之五軟。此兒難養。並宜六味地黃丸。加當歸。杜仲。牛膝。續斷。主之。

百五十七

腎肝在下。母子也。腎主骨。肝主肋。骨屬於肋。肋束於

此虛則補  
母法餘可  
類雜

骨。二者相為依附也。肝主筋。筋弱則宜六味地黃丸  
主之。七百五乃虛則補其母之說也。腎主骨。脊者髓之  
路也。腦者髓之海也。肝之脈與腎脈內行於骨脊之  
中。上行於腦。故頭破顱解。脊骨之病。又肝腎之風熱。  
子傳於母之病也。  
解顱者有二。或生下之後。頭縫四破。頭皮光急。日漸  
長大。眼楞緊。此髓熱也。  
又有生下四五個月後。顱門已合而復開者。此等兒  
大難養。腎肝風濕之病。宜五味瀉青丸百十主之。所

此實則瀉  
子法

謂實則瀉其子也。蘆薈瀉青丸主之。百十加黃柏黃

芩各等分。研末蜜為丸服。

疳者小兒生後生瘡成餅狀如覆盤者。此風熱也。宜

瀉青丸加蔓荊子白蒺藜炒立效。

脊疳者小兒疳瘦脊如鋸齒肋骨高起拍之有聲宜

集聖丸。二百加龍胆草梔子仁黃柏等分研末同為

丸服。

齒齲黑爛臭息出血者名為走馬牙疳用擦斗散。二

百主之。即檫擦子。即柏壳不拘多少入鹽填滿二半

要訣

相合放火中燒過。研末擦牙妙。

症驗

予有一孫週歲。生走馬牙疳。予用尿桶底白塗。剖下新瓦焙乾五分。五倍子內蟲灰三分。鼠婦焙乾三分。白礬一錢。共為末。先用蠟茶葉浸米水洗淨。以藥敷

之效。名曰不二散。

二百七十六

兒有大病暴啞失聲者。腎怯也。宜地黃丸。加菖蒲主

之。

二百五十七

小兒痘後。有平常大便常難者。後重者。此腎虛不足



之病也。難經云。利而不重者是也。宜六味地黃丸。七百  
五加當歸二兩。火麻仁一兩。主之。

五臟虛實補瀉

經云。邪氣甚則實。真氣奪則虛。所謂實則瀉之者。瀉  
其邪氣也。虛則補之者。補其真氣也。如真氣實則是  
無病矣。豈有瀉之者乎。又云。肝常有餘。脾常不足者。  
此却是本臟之氣。蓋肝乃少陽之氣。兒之初生。如木  
萌。乃少陽方長之氣。漸而壯。故有餘也。腸胃脆薄。穀  
氣未充。此所以不足也。小兒五色脩明。聲音響亮。此

議論明確

心肺之氣足也。乳食能進。大小便調者。腸胃之氣足也。手足如煖。肋節剛健者。此腎肝之氣足也。此兒易養。不宜妄投藥餌。反致生病。

小兒熱症有七

此七症不宜服熱藥

面頤紅。大便秘。小便黃。渴不止。上氣急。

脈弦急。足脛熱。

冷症有七

此七症不宜服冷藥

面眇白。糞青白。腹虛脹。眼珠青。嘔乃乳。

脈微沈。足脛冷。

五藏虛實補寫

熱症七

冷症七

也部

上論虛實  
補瀉法此  
論補瀉用  
樂法

熱症者邪氣實也。宜用寒涼瀉之。如服熱藥。謂之實。  
實寒症者真氣虛也。宜用溫熱補之。如服寒涼。謂之  
虛。虛毋實實。毋虛虛。毋天人命長。此之謂也。

因五邪之氣所生

經云。春傷於風。夏生飡泄。泄者謂穀食不化也。發揮  
難經有五泄之辨。脈訣云。濕多成五瀉。又有胃風瀉。  
症雖不同。間亦有之。不可不知也。如傷吐瀉者。風屬  
木。胃屬土。土虛則肝乘之。水穀不化。謂完穀也。此從  
胃中來。若自小腸來。則半朽化。略成糟粕矣。若自大

腸來水穀已別。穀多水矣。故傷風飡泄。有惡風。此表  
症也。宜發散之。桂枝湯。又二百加姜活。防風。黃芩。或  
瀉青丸。百十內去大黃。加炙草。或加減敗毒散。二如  
無表症者。神朮散。七二百風瘧柴苓湯。四二百加減敗毒  
散。即古方去獨活。枳殼。當歸等分。姜棗引之。如下鮮  
血者。此風熱也。胃風湯。二百主之。傷風咳嗽者。此風  
入肺也。宜發散。人參荊芥散。七一百主之。夏月傷暑作  
吐瀉者。宜加味五苓散。八一百主之。  
發揮云。初瀉有發熱。口渴者。宜清暑為先。不可便用。

理中湯。二四內有乾姜恐妨時禁。加減香蘇飲主之。

百五如初水瀉無熱不渴者不可服玉露散。二百太

多恐犯胃氣也。宜理中湯加藿香煎成湯澄清冷服。

或理中丸用冷水化開服之。如用上法治不止者宜

利小便。有熱有渴者宜天水散。四無熱無渴者入

理中化開服之。此家傳良方也。

症驗

予甘妻初生男未週歲。六月病瀉。妻兄甘大用吾所傳也。治之不效。反加大熱大渴。予歸問之曰。服理中

八門  
針  
山  
醫  
五  
和  
日

九四三十吾蓋料不知用熱遠熱之戒。犯時禁也。乃製

玉露散。二百解時令之熱。冷水調服。一劑而安。玉露

散自此收入兒科也。合症用之。

一屠徐姓有兒十二歲。六月病瀉。甘大用以玉露

散與之。此兒初服後瀉渴俱止。再服之瀉又作。又服

之大熱大渴。面赤如火。張口喘呼。予教用理中湯加

三十四

熟附子一片。服立效。又云若服藥後安靜即止。勿服

若煩燥再與一劑。用如教法。竟煩燥進二劑而安。甘

大用問曰。二子病同而治異。何也。予曰。夏至後瀉者

因時察症  
調藥通變  
即此以思  
便知醫學  
入門

七分熱三分寒。治此泄者。當七分涼藥。三分熱藥。前  
症因爾多服理中湯。犯用熱。遠熱之戒。故用玉露散。  
以解火令之熱。彼症因爾多服玉露散。傷其中氣。故  
用理中湯加附子以救裏也。曰何以安靜者。即止煩  
燥者。又仍服以治也。予曰。夏至後。姤卦用事。伏陰在  
內。六月建未。其位在坤為腹。而屬土。土受燥而惡寒。  
玉露散性寒。傷其脾土。陰甚於內。陽脫於外。故用理  
中附子之辛熱。所以收斂欲脫之陽。勝其方長之陰。  
服藥安靜者。脾已敗絕。投藥不知。故不宜再服。如煩

燥者。寒熱相搏。肝有生意。故再投勝其寒也。用曰。後  
此治熱瀉當如何。予曰。瀉多熱。瀉少者。宜急溫中。先  
進理中湯。後以玉露散解。不瀉者。不必用也。  
凡先大熱大瀉。瀉少者。此裏熱也。急解暑毒。以玉露  
散解之。一百熱瀉略少者。後用理中湯。三十補其中  
氣。泄止。不可再服也。如瀉不止。只用白朮散。三十治  
之。理中玉露皆不可用。白朮散治瀉瀉不止之要藥  
也。如服白朮散而瀉瀉又不止者。水壅以犯腎也。腎  
得水以反燥。故轉瀉瀉。宜白朮散去乾葛。用炒乾姜



瘧痢分別  
看得清楚

等分服之。是辛能潤燥。以致津液。

暑瘧者。柴胡湯九十合白虎湯二百下之。暑咳者。甘

桔湯七合黃連阿膠丸二百下之。

經云。夏傷於暑。秋發咳瘧。予謂瘧之為病。不惟中土

有之。凡風寒暑濕。飲食勞倦。皆能為病也。四時之氣。

太陰濕土之令。手太陰肺經。受風寒暑濕之氣。則瘧

多。足太陰脾經。受飲食水穀之邪。則痢多。二經俱受

邪。則瘧又病痢也。病瘧者。平瘧養脾丸主之。二百病

痢者。和中丸主之。二百

三七

難經云。形寒飲冷則傷肺。肺主皮毛。秋冬病宜攻之者。多因傷寒得之。鼻塞聲重者。宜發散。麻黃湯主之。

六十

濕傷腎痢而下重。秋月病痢者。皆腎病也。宜用六味

地黃丸。

七百五

去丹皮加黃柏酒炒破故紙炒小茴香

各二兩。乾姜炒黑五錢。研末蜜為丸服之。

經云。冬傷於寒。春必病溫。溫是溫熱之病也。况冬月

暄熱行令。則陽氣暴泄。不能閉藏。而為寒所折。至春

則發為熱病。小兒得之。則發為瘡疹。此亦溫熱之類。

也。如有此症宜預服代天宣化解毒丸。十二具有良  
驗馬。



萬氏醫貫地部念下終

*[Faint bleed-through text from the reverse side of the page, including characters like '萬氏醫貫', '地部', '念下', '終', '神', '和', '主', '也', '手', '條', '及', '商', '宜', '如', '之']*